

TEZAU LITURGIC
26 NOIEMBRIE

SLUJBA
SF. CUVIOȘI
ATANASIE
ȘI
TEODOSIE
DE LA
CEREPOVEȚ



MOSCOVA, 2000



**Месяца ноября в 26-й день
Служба иже во святых
преподобным отцам нашим
Афанасию и Феодосию
Череповецким, чудотворцам**

На велицей вечерни

Блажен муж: 1-й антифон.

На Господи, возвах: стихиры, глас 8.

Подобен: О, преславнаго чудесе:

О, преславнаго чудесе! / Днесь ликуют людие, /
память преподобных отцев празднующи, /
Афанасия и Феодосия, / постом, трудами и
молитвами Богу угодивших, / дар чудотворения
от Владыки всех приявших. / О, велицыи
святильницы, / любовь Христовой мир
озаряющей, // путеводите ны к Царствию
Небесному.

Буди благословена, земле Череповецкая, / во
обители Воскресения Христова / двоицу
священную всему миру явившая, / преподобных
Афанасия и Феодосия, / добрый образ
богоугодного жития, / достойных ученик Сергия
Великаго. / Тии бо ныне Престолу Божию вкупе
предстояще, // молятся о спасении душ наших.
Послушания усердни подвижницы, / образы

кротости и смирения, / волю свою Богу
покорившии, / яviste миру Божию славу. /
Ныне же с горними силами радуетесь, / отцы
всехвальнии. / Духовныя наша окормителие, /
молитесь о нас, чадах ваших, прилежно //
спастися душам нашим.

О, блаженный отцы наша, / Афанасие и
Феодосие, / крест Христов на рамена взявшии,
/ земное поприще скорбнаго жития, славословя
Бога прошед, / ныне на Небесех радостию
жизни нескончаемая со Христом
наслаждаетесь. / Молитесь ко Господу, // да от
ига страстей избавит нас.

Слава, глас 6:

Приидите, вернии, / похвальными словесы
преподобных Афанасия и Феодосия возславим, /
двоицу священную, / добродетельми, яко небо
звездами, сияющую, / любовь Христовою всех
притекающих согревающую. / О, чудотворцы
дивнии, / заступницы усерднии, // молитесь
непрестанно о душах наших.

И ныне, Богородичен догматик, глас тойже:
Кто Тебе не ублажит, Пресвятая Дево; / кто ли
не воспоет Твоего Пречистаго Рождества; /
безлетно бо от Отца возсиявый Сын
Единородный, / Тойже от Тебе, Чистыя, пройде,
/ неизреченно воплощься, / естеством Бог Сый,
/ и естеством быв Человек нас ради; / не во

двою лицу разделяемый, / но во двою естеству /
неслитно познаваемый. / Того моли, Чистая
Всеблаженная, // помиловаться душам нашим.

Вход. Прокимен дне. Чтения три.

Премудрости Соломоновы чтение (глава 3):

Праведных души в руке Божией:

Премудрости Соломоновы чтение(главы 5,6):

Праведницы во веки живут:

Премудрости Соломоновы чтение (глава 4):

Праведник, аще постигнет скончаться, в покои
будет:

На литии стихиры, глас 3:

Яви нам Бог, дивный во святых Своих, /
светильников веры, подвижников благочестия, /
преподобных Афанасия и Феодосия, / дивных
чудотворцев Череповецких, // неустанно
молящихся о душах наших.

Равноангельное житие на земли пожив, / дара
чудотворения от Бога сподобилися есте. /
Благодатию Пресвятаго Духа озаряемии, /
многи души скорбящия утешили есте, / многи
люди на стезю спасения наставили есте, //
путеводите и нас, всечестнии отцы, ко Христу.
Преподобных Череповецких торжество
празднуя, / братолюбием почтим честную

память отцев всехвальных, / отринем гордыню
и невоздержание, / облечемся в ризу смирения
и кротости, / очистим сердца покаянием, / да
причастницы Царствия Небеснаго // молитвами
отцев блаженных быти вси сподобимся.

Слава, глас 8:

Всечестную память вашу преподобнии отцы
празднующи, / славословим и благодарим
Всеблагото Бога, / даровавшего нам таковых
скорых заступников и теплых утешителей, //
преблаженнии.

И ныне, Богородичен, глас 8:

Безвестная Дево, / яже Бога неизреченно
заченши плотию, / Мати Бога Вышняго, / Твоих
рабов мольбы приими, Всенепорочная, / всем
подаючи очищение прегрешений, / ныне наша
моления приемлющи, // моли спастися всем
нам.

На стиховне стихиры, глас 8:

Богомудрии Афанасие и Феодосие, / славу мира
сего презрели есте, / неуклонно шествуя во след
Христу, / с горы земныя на гору небесную удобь
востекли есте. / И ныне на небесехводворяся,
// нас во обители Святыя Троицы путеводите.

Стих: Честна пред Господем / смерть
преподобных Его.

Промышлением Божиим водимии, /

преподобнии Афанасие и Феодосие, / в землю
Череповецкую преселистесь, / радование людем
в ней живущим яviste, / путем Христовым
шествовати поучая // всех с верою к вам
притекающих.

Стих: Восхвалятся преподобнии во славе // и
возрадуются на ложах своих.

Приидите, людие, / днесь преподобных
благочестно восхвалим, / верных ученик
Христовых, / иго Его на рамена взявших, /
подвиги и страдания ради любви ко Господу
понесших. / К ним же со умилением возопиим: /
поминайте нас, отцы блаженнии, // да
молитвами вашими спасем души наша.

Слава, глас 4:

Святей Троице добре потрудившесе, / многи
чада в ревностнем служении Богу воспитасте, /
в обители Воскресения Христова / алчущих
равноангельного жития собрасте, / всяку душу
Единому Богу работати научили есте. / Ныне и
нас своими благомоцными молитвами
вразумите, / в вере и благочестии утвердите, /
отцы блаженнии, / помозите леность пагубную с
сердец наших отрясти // и путем Христовым
неустанно шествовати.

И ныне, Богородичен, глас тойже:
Призри на мolenия Твоих раб, Всенепорочная, /
утоляющи лютая на ны возстанья, / всякия

скорби нас изменяючи. / Тя бо, Едину, твердое
и известное утверждение имама, / и Твое
предстательство стяжахом. / Да не постыдимся,
Владычице, Тя призываючи, / потщися на
умоление Тебе верно вопиющих: / радуйся,
Владычице, / всех помощи, радости и покрове,
// и спасение душ наших.

Тропарь, глас 5:

Яко всехвальнии ученицы / великаго
покровителя и заступника земли Русския, /
Богоноснии отцынаша Афанасие и Феодосие, /
от юности ваша крест Христов на рамена
вземшии, / усердно Тому последовали есте / и

Богородичен, глас 5:

Радуйся, двери Господня непроходимая; /
радуйся, стено и покрове притекающих к Тебе; /
радуйся, необуреваемое пристанище и
Неискусобращная, / рождшая плотию Творца
Твоего и Бога, / молящи не оскудевай о
воспевающих // и кланяющихся Рождеству
Твоему.

На утрени

На Бог Господь: тропарь преподобным, дважды.
Слава, и ныне, Богородичен.

По 1-м стихословии седален, глас 1:

Всем сердцем Христа возлюбили есте, /
преподобнии, вся земная презрев, / да Господа
единого приобрящут, / и Ему единому послужат.
/ Тех молитвами, Человеколюбче Владыко всех,
/ любви Твоея сердца наша исполни // и спаси
нас, яко Милосерд.

Слава, и ныне, Богородичен:

Богоблагодатная, Бога родила еси, / девство
нерушимо сохрани, / Спаса миру явила еси, /
Дево Благословенная. / Темже песньми
немолчными Тя восхваляем, / и просим, яко
нашу Мати и Заступницу, / от всех бед люди

Своя огради, // молитвами угодник Твоих,
преподобных Афанасия и Феодосия.

По 2-м стихословии седален, глас 2:

Любве добродетель яviste, отцы всехвальнии, /
во обители Воскресения Христова бо на всяк
день, / всех, ищущих совета и помощи,
благодушно сретали есте, / скорбящих утешали
есте, / алчущих питали есте, // яко истиннии
ученицы Христовы.

Слава, и ныне, Богородичен, глас тойже:

О, Пренепорочная Дево, / Благословенная
Богородице, / моли Рождшагося от Тебе Сына, /
Христа Бога, Спаса нашего, / со преподобными
отцы Афанасием и Феодосием, // спастися
душам нашим.

Величание

Ублажаем вас, преподобнии отцы наши
Афанасие и Феодосие, и чтим святую память
вашу, наставницы монахов, и собеседницы
ангелов.

Псалом избранный:

1. Терпя, потерпех Господа, и внят ми, и услыша
молитву мою.
2. Постави на камени ноге мои, и исправи
стопы моя.
3. Се удалихся бегая, и водворихся в пустыни.

По полиелеи седален, глас 1:

Двоицу священную, достоблаженных Афанасия
и Феодосия, / песненными венцы украсим,
боголюбцы, / тии бо веру православную в
человецех утверждают, / людей спасение
улучати поучают. / Их молитвами,
Человеколюбче Спасе, // даруй нам вся, яже ко
спасению полезная.

Слава, и ныне, Богородичен, глас тойже:
Упование христиан, Пресвятая Дево, / Бога,
Егоже родила еси, паче ума и слова, /
непрестанно моли с Вышними силами и со
преподобными Афанасием и Феодосием / дати
оставление согрешений наших // и исправление
жития верою и любовью присно Тя славящим.

Степенна, 1-й антифон 4-го гласа.

Прокимен, глас 4: Честна пред Господем /
смерть преподобных Его.

Стих: Что воздам Господеви о всех, яже воздаде
ми?

Всякое дыхание:

Евангелие от Матфея, зачало 43.

По 50-м псалме стихира, глас 6:

Приидите, вси вернии, / Афанасия и Феодосия
восхвалим, / сии бо в лице преподобных /
предстоя Престолу Пресвятыя Троицы, /
прилежно молятся / о спасении душ наших.

Канон преподобным, глас 6, егоже краегранесие:
О, Афанасие и Феодосие, молитесь Бога о нас.

Песнь 1

*Ирмос: Яко по суху пешешествовав Израиль, по
бездне стопами, гонителя фараона видя
потопляема, Богу победную песнь поим,
вопяше.*

Припев: Преподобнии отцы наша Афанасие и
Феодосие, молитесь Бога о нас.

О, Владыко Вседержителю, отверзи наша
недостойная уста и помози влепоту воспети
подвиги блаженных отцев наших Афанасия и
Феодосия ныне со ангелы молящихся Тебе
избавити нас от всякаго зла и спасти души
наша.

Ангельское житие на земли пожив, постом,
трусами и молитвами душепагубныя страсти
умертвив, с горы земныя на гору небесную
взошли есте, отцы преподобнии.

Фараона мысленнаго погубив, под
водительством Христа море страстей прошед,
тихаго пристанища достигли есте, отцы
преподобнии.

Богородичен: Ангели на небеси непрестанно
славят Тя, Всеблагая Владычице, человецы же
на земли песньми ублажая, к милосердию
Твоему припадают, и из глубины сердец вопиют:

Богородице Дево, сердца наша озлобленныя очисти, да верою и любовью величаем Тя.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего. Нову песнь Вседержителю воспоим, людие, дивно прославльшему богоносных отцев наших Афанасия и Феодосия, и с верою и любовью Ему поклонимся, да помилует и спасет нас, грешных, тех молитвами.

Аще и люти быша вражия ополчения, в годину смутную обитель Воскресения Христова разорившии, иноков мечем посекавшии, вся книги о вас огню предавшии, но сим славы вашей не умалившии, ибо память праведника пребудет благословенна.

Смирением и любовью зло и коварство мира сего победили есте, благодать от Бога прияли есте, еже отгоняти недуги и содевати чудеса, отцы всехвальнии.

Богородичен: Источник исцелений, Мати Божия Пречистая, сердца наша себялюбивыя уврачуй, гордыню низложи, да Тя прославим во вся веки.

Седален, глас 2:

О, двоице богоблаженная, преподобнии Афанасие и Феодосие, от юности ваша крест Христов на рамена вземшии, и усердно за Ним последовавшии, Пресвятой Троице добре потрудилися есте, Череповскую паству преславно упасли есте, любовь отеческую всем притекающим являя. Не престайте, дивнии чудотворцы, ходатайствовати о нас, вероучущих память вашу.

Слава, и ныне, Богородичен:

«О, Пречистая Богородице Дево, Покрова Твоего не отыми от нас, но буди нам Мати и Заступнице», — усердно молят Тя угодницы Христа, Сына Твоего, преподобный Афанасий купно с Феодосием, Череповские чудотворцы, ихже молитвами помилуй и спаси нас.

Песнь 4

Ирмос: Христос моя сила, Бог и Господь, честная Церковь боголепно поет, взывающи от смысла чиста, о Господе празднующи.

Егда в Черепов[стей ве]си обитель Святыя Троицы и Воскресения Христова основали есте, терпением и упованием на Бога вся скорби побеждая, тогда миру славу Божию явили есте, предивнии чудотворцы.

Из гнезда аввы Сергия, яко два птенца возлетев,

на берегах Шексны себе новое пристанище обретосте, мнози души ко Христу привели есте, отцы богомудрии, во вся дни славословя Всеблагото Бога.

Фавор яви нам свет Преображения Господня, и тойже свет возсия с горы огненной, егда, на мелкое место впадша, зыва ко Владыце всех отец наш Феодосий, досточудный.

Богородичен: Еммануила явилася еси, Мати, Дево Чистая, Всемиловитая христиан Помощнице, Того умоли в день Страшнаго Суда всех нас Царствия Небеснаго сподобити.

Песнь 5

Ирмос: Божиим светом Твоим, Блаже, утренюющих Ти души любовь озари, молюся, Тя веди, Слово Божий, истиннаго Бога, от мрака греховнаго зывающа.

О Христе укрепляемии, вся сети лукаваго мечами поста и молитвы посекали есте, преблаженнии, Богу Единому во вся дни служа и о Воскресении Христа ликовствуя.

Духовныя жизни людем земли Череповской учительми добрыми были есте, всех притекающих к вам в вере православней утверждая. Умножьте веру и в нас, чадах ваших, да славим Христа во веки.

Отверз вам двери райския Христос, вселил есть

общников Своих страстей во обители небесных. Емуже ныне предстоящи, блаженного Царствия причастницы, нас не оставите молитвами своими.

Богородичен: Слово Отчее, Спаса нашего, из Тебе, Дево Чистая, воплотившагося, познав, и Тебе Ходатаицу и теплую Заступницу нашу ведая, молим Тя, яко Милостивую Мати: не попусти чадом твоим погибнути, и спаси души наша.

Песнь 6

Ирмос: Житейское море, воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Ига Христова благодать познав, бремя Его с любовью нося, смирение и кротость стяжали есте, отцы преподобнии. Ныне же в радость Господа своего вшед, светом божественных славы наслаждаетесь, избрании угодницы Божии.

Евангелию своя сердца покорив, вся славная мира сего в прах вменив, противу страстей, яко супротив враг Христовых, мужественно подвизались есте, венцев небесных сподобистесь, отцы преславнии.

Молитвы Иисусовой усерднии делателие,

равноангельнаго жития ревнителие, пустыню соделавшии в храм Богу, тако и нам покаянием очиститися помозите, да царствует Господь в сердцах наших.

Богородичен: От уз страстей, Владычице, нас свободи, и гордых помышлений, отчуждающих от Бога, избави, да верою и любовью ублажаем Тя.

Кондак, глас 3:

Несть брань наша к плоти и крове, но к духовом злобы поднебесным, сице апостольски вzywали есте, преподобнии, темже от мира суетнаго уклоньшеся, в пустыни пожили есте, и Ангелом соревнители явистеся и демонския ополчения препобедисте. Сице и ныне по нам поборите, ограждающе ны от наветов и козней бесовских, даи мы, собравшеся в памяти вашей, поминающе подвиги ваша, умиленно воззовем: яко предстателие теплии, от бед избавите нас, Афанасие и Феодосие пречуднии.

Икос.

Имуще едино токмо рачение, еже Христу Богу угодити, верно и усердно Ему служити, Афанасие и Феодосие, на зов Господень радостно во обитель Святыя Троицы притекли есте, и тамо от рук аввы Сергия пострижение

приявши, на стезю монашескаго жития вступили есте. Добре же Господеви послуживши, венцев небесных сподобилися есте. Ныне же ко спасению управите и нас, с любовью поющих вам:

Радуйтесь, непрестанно пред лицем Святыя Троицы предстоящи.

Радуйтесь, образом своего жития умы наша к горнему миру возводящи.

Радуйтесь, суетную мудрость века сего посрамляющи.

Радуйтесь, ослепленных мраком греха на путь правый наставляющи.

Радуйтесь, собеседницы молчания взыскующих.

Радуйтесь, лиры, веселящи сердца тоскующих.

Радуйтесь, чистые источники, душ наших исцеление.

Радуйтесь, силы Божией дивное явление.

Радуйтесь, преподобнии Афанасие и Феодосие, усерднии молитвенницы наша и преславнии чудотворцы.

Песнь 7.

Ирмос: Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

Любовь друг ко другу, есть свойство истинных

учеников Христовых, рече апостол Иоанн. Чрез ваше заступление и помощь зрим в вас ея негасимый пламень, велиции светильницы, Духа Святаго исполнени.

Израиль пешешествовав море Чермное, спасен был от фараона колесниц, егда Моисей, крест начертав жезлом, пучину пресече. Сим крестом вооружившись, одержали есте победу над лукавым змием, отцы святии.

Тавифой новой бысть земля Череповская, воскрешенная к жизни новой отцами богомудрыми, ибо кто во Христе, сей нова тварь есть. Тако кийждо во обитель Воскресения Христова ко преподобным притекающий, воскресе для вечнаго с Богом пребывания.

Богородичен: Евы преслушанием в мир смерть вошла есть, Своим же послушанием Дево Чистая принесе потомкам Адама живот. Тя заступление теплое обретше, вопием прилежно: Пресвятая Богородице, помилуй и спаси нас.

Песнь 8

Ирмос: Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Блаженство обрели есте еще zde, на земли суще, отцы богомудрии, нищету свою духовную

познав, своего разума отвергшись, на Единого Бога во всем полагаясь, ибо блажени вси, уповающие на Него.

Образ жития богоугодного явили есте всем, преподобнии, всегда правду Божию творя. Утвердите и наши маловерныя сердца на камени заповедей Христовых.

Гаваонитская ли скиния даде премудрость Соломонови? Деннонощныя ли труды и молитвы излия на преподобных Афанасия и Феодосия дар чудотворения? Се, Бог прослави своих угодников, яко рече Давид: «Бог благословляет праведника, и благоволением, яко щитом, объемлет его».

Богородичен: Ангельское пение подобаше Ти, Мати Божия, Спаса бо родила еси, Всенепорочная. Мы же, что Ти принесем, в греховней бездне валяясь Смилуйся, Владычице, и моли Сына Твоего, Христа Бога нашего, исправление жития нам даровати, и спасти души наша.

Песнь 9

Ирмос: Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вои Тя ублажаем.

Отцы преподобнии, дивнии чудотворцы, своя молитвы теплии, яко кадило благоуханное, вознесите ко Господу о всех, чтущих святую память вашу, и своим отеческим заступлением от всяких бед и скорбей оградите всех, с верою к вам прибегающих.

Не открывша недра земная сокровище мощей ваших, под спудом в соборном храме почивающих, обаче вы молитвами своими нас вразумляете, на стезю спасения наставляя, да и мы небеснаго веселия причастницы будем.

Адаманти христианския веры, столпи непоколебимии Церкви Русския, молим вас, светочи наша, чадам своим помозите твердо в православной вере стояти, сердца от страстей очищати, подражательми себе соделайте всех, верою вас ублажающих.

Богородичен: Спаса и Владыку всех рождшая, Пречистая Богородице Дево, спасения Ходатаица нам явилася еси; тем же молим Тя: испроси у Сына Своего, Христа Бога, спасение душам нашим.

Светилен, глас 1:

Днесь светло радуется Церковь Русская, /
почитающе пречестную память вашу, /
Афанасие и Феодосие блаженнии, / миру образ
веры и благочестия показавшии. / О велицыи

святильницы, Духа Святаго исполнении, /
омраченныя мглой грехов души наши
просветите, / шествовати путем Христовым
помозите, // да вашими молитвами спасем
души наша.

Слава, и ныне, Богородичен:
Тя, Ходатаицу нашего спасения, / воспеваем
Богородице, Дево Пречистая, / Сына Божия,
Христа Бога нашего / плотию безсеменно
рождшая, / Того моли, Всеблаженная
Владычице, // помиловатися душам нашим.

На хвалитех стихиры, глас 6:
Добродетелей святильницы неугасимии, /
образы истиннаго покаяния, / кротости и
смиреномудрия добрии учителяе, / земли
Череповецкия украшение и славо, / ныне
райским житием наслаждаяся, / отцы
богомудрии, // не престайте молитися о
спасении душ наших.
Приспе днесь всечестный праздник Церкви
Русския, / память преподобныхАфанасия и
Феодосия. / Приидите, людие, светло
торжествуем, / и отцев богомудрых песньми
почтим: / радуйтесе, Бога от всея души
возлюбившии, / радуйтесе, Христа ради всем
себе поработившии, // радуйтесе, усерднии
молитвенницы наша и преславнии чудотворцы.

Попечения вся о земном отложше, / крест
Христов на рамена взявши, / усердно Тому
последовали есте. / Постом, трудами и
молитвами Богу угодивше, / венцев славы
Небесней сподобистесь. / Сего ради молитесь,
отцы всехвальнии, // и нам причастником
Царствия Божия быти.

Кротости и воздержания приснии рачителие, /
пламеня любви ко Господу в сердцах неусыпнии
хранителие, / духовнии кормчии, от потопления
в море страстей нас избавляете, / к тихому
пристанищу нас наставляете, // моляся
непрестанно о душах наших.

Слава, глас 8:

Приидите, благочестия ревнителие, / песньми
восхвалим честную двоицу, / отцев наших
Афанасия и Феодосия, / первоначальников
обители Воскресения Христова, / скорых
заступников обиженным и теплых утешителей
унывающим. / Своими молитвами
способствуйте чтити вас / не токмо словом, но
трудам вашим последованием, // отцы
богомудрии.

И ныне, Богородичен:

Владычице, прими молитвы раб Твоих / и
избави нас / от всякия нужды и печали.

Славословие великое. Ектении и отпуст.

На литургии

Блаженны от канона песни 3-я и 6-я.

Прокимен, глас 7: Честна пред Господем /
смерть преподобных Его.

Стих: Что воздам Господеви о всех, яже воздаде
ми?

Апостол к Галатом, зачало 213.

Аллилуия, глас 6: Блажен муж, бояйся Господа, в
заповедех Его восхощет зело.

Стих: Сильно на земли будет семя его.

Евангелие от Луки, зачало 24.

Причастен: В память вечную будет праведник,
от слуха зла не убоится.

